

Na osnovu članova 35. i 69. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj: 20/13), te u skladu sa Odlukom o načinu odabira projekata nevladinih/neprofitnih organizacija po LOD metodologiji (Službene novine Kantona Sarajevo broj: 2/13), Općinski načelnik raspisuje:

### **JAVNI POZIV**

**organizacijama civilnog društva/nevladinim organizacijama za prijavu projekata koji će biti finansirani/sufinansirani iz Budžeta Općine Stari Grad Sarajevo u 2019. godini**

Općina Stari Grad Sarajevo poziva organizacije civilnog društva/nevladine organizacije iz Bosne i Hercegovine da dostave prijedloge projekata koji su u skladu sa razvojnim ciljevima Općine Stari Grad Sarajevo, iz sljedećih oblasti:

#### **1. OBRAZOVANJE**

- 1.1. Neformalno obrazovanje, cjeloživotno učenje i projekti opismenjavanja stanovništva;
- 1.2. Stručno obrazovanje stanovništva u oblasti socijalnih zanimanja (obuke za njegovatelja starih i nemoćnih osoba, obuke za ličnog asistenta za osobe s motoričkim i senzoričkim poteškoćama, radnog instruktora za osobe s invaliditetom)

#### **2. KULTURA I UMJETNOST**

- 2.1. Afirmacija tradicije i kulturne baštine naroda i nacionalnih manjina u Bosni i Hercegovini, sa posebnim akcentom na doprinos osnovnih i srednjih srednjih škola sa područja Općine Stari Grad;
- 2.2. Promocija nematerijalne kulturne baštine i umjetničkog stvaralaštva na području Općine Stari Grad;

#### **3. ZAŠTITA OKOLIŠA**

- 3.1. Zaštita životne okoline i podizanje ekološke svijesti kroz ekološku edukaciju i aktivizam;
- 3.2. Edukacija stanovništva u oblastima energetske efikasnosti i obnovljivih izvora energije;

#### **4. ZAPOŠLJAVANJE**

- 4.1. Podsticanje aktivnosti i programa u oblasti rada i zapošljavanja, naročito za kategorije stanovništva koje se teško zapošljavaju: osobe sa invaliditetom, mladi do 30 godina, lica starija od 50 godina s posebnim akcentom na žene, Romi;
- 4.2. Podsticaji nezaposlenoj omladini za izučavanje starih zanata i zanata uopće na području Općine Stari Grad Sarajevo kao mogućeg načina samozapošljavanja;
- 4.3. Promocija i afirmacija starih zanata na području Općine Stari Grad Sarajevo s ciljem stvaranja preduslova za razvoj zanatstva kao mogućeg izvora prihoda nezaposlenim i drugim socijalno ugroženim kategorijama stanovništva;
- 4.4. Edukacija stanovništva o uzgoju i promociji i pokretanju organske proizvodnje;
- 4.5. Edukacija o biznisu i podrška zapošljavanju i samozapošljavanju;

#### **5. SOCIJALNA POLITIKA I ZDRAVSTVO**

- 5.1. Prevencija nasilja u porodici, maloljetničke delikvencije, zaštita fizičkog i mentalnog zdravlja i unaprjeđivanje kvaliteta života djece s teškoćama u razvoju, osoba s invaliditetom, samohranih roditelja i njihove djece i drugih osoba koje se ne mogu brinuti o sebi;
- 5.2. Realizacija aktivnosti i programa s ciljem unaprjeđenja kvalitete i načina života građana treće životne dobi s posebnim akcentom na rodnoj ravnopravnosti;

5.3. Realizacija programa i aktivnosti usmjerenih na prava građana, sa posebnim akcentom na zaštitu prava i sloboda djece.

## **6. MLADI I TURIZAM**

6.1. Razvoj turističkih potencijala na području Općine Stari Grad;

6.2. Uključivanje privrednih subjekata u kreiranje pozitivnog imidža Općine Stari Grad za privlačenje investicija u Općinu sa fokusom na turizam i turističke potencijale;

6.3. Uspostavljanje optimalnog lokalnog modela aktiviteta mladih, mobilnost mladih, mladi u akciji;

## **7. SPORT**

7.1. Uključivanje adolescenata u sportsko-društvenu sferu života, s ciljem jačanja sportskog duha kao značajnog aspekta u razvoju zdravog načina života;

7.2. Sportske aktivnosti i takmičenja za lica sa invaliditetom.

Svi projekti koji budu realizovani u ovom Javnom pozivu trebaju slijediti principe rodne ravnopravnosti. Prednost pri odabiru imaju projekti organizacija s područja općine Stari Grad Sarajevo.

**Iznosi sredstava za odobrene projekte će biti od 8.000 KM do 14.000 KM. Općina Stari Grad Sarajevo zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije. Dužina trajanja svakog projekta može biti od šest do osam mjeseci.**

**Izabrani projekti se trebaju implementirati isključivo na području općine Stari Grad Sarajevo, te isključivo trebaju biti namijenjeni građankama i građanima s mjestom prebivališta u Općini Stari Grad Sarajevo. Za implementaciju projektnih aktivnosti u osnovnim školama OCD mora imati pismenu saglasnost Ministarstva obrazovanja, nauke i mladih KS. Neće se finansirati aktivnosti odobrenog projekta koje su provedene prije zaključivanja Ugovora.**

### **PRAVO UČEŠĆA:**

Učešće u ovom javnom pozivu je otvoreno, na jednakim osnovama, za sve formalno registrovane OCD/NVO (udruženje/udruga ili fondacija), u skladu s važećim zakonskim propisima u Bosni i Hercegovini.

**Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru Javnog poziva, na web stranici Općine [www.starigrad.ba](http://www.starigrad.ba)**

Aplikant može predati više od jedne aplikacije i jedne projektne ideje, ali u tom slučaju se trebaju predati odvojene aplikacione forme i dokumentacija uz svaku od njih.

### **PREUZIMANJE DOKUMENTACIJE:**

Potrebna dokumentacija za prijavu na Javni poziv, može se preuzeti sa zvanične web stranice Općine Stari Grad Sarajevo ([www.starigrad.ba](http://www.starigrad.ba)). Dokumentacija se može preuzeti i slanjem zahtjeva sa nazivom zainteresovane organizacije na e-mail: na e-mail: [sanin.hadzibajric@starigrad.ba](mailto:sanin.hadzibajric@starigrad.ba) i [ferid.sabeta@starigrad.ba](mailto:ferid.sabeta@starigrad.ba) ili lično preuzimanjem u Općini

Stari Grad Sarajevo, kancelarije broj 409 i 410 (objekat A), kod Sanina Hadžibajrića i Ferida Šabete, ulica Zelenih beretki 4, 71000 Sarajevo.

Pitanja u vezi s Javnim pozivom se mogu postaviti putem e-mail adrese:

[sanin.hadzibajric@starigrad.ba](mailto:sanin.hadzibajric@starigrad.ba) i [ferid.sabeta@starigrad.ba](mailto:ferid.sabeta@starigrad.ba) s naznakom za Javni poziv za projekte OCD-a. Pitanja se mogu postavljati do 4. marta, 2019. godine. Odgovori na upite će biti dostavljeni u pisanoj formi u toku tri radna dana od prijema upita. Informativni sastanak u vezi sa pozivom potencijalnim aplikantima za predaju prijedloga projekata „Dani otvorenih vrata“, bit će održan 7. marta, 2019. godine, u 11 sati u Sali za vjenčanja Općine Stari Grad.

Prijedlog projekta treba sadržavati sljedeće:

- Projektni prijedlog (Word format Aneks 1),
- Pregled budžeta/proračuna (Excel format - Aneks 2) ,
- Matrica logičkog okvira (Word format - Aneks 3),
- Plan aktivnosti i promocije (Excel format - Aneks 4).

Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija treba da sadrži sljedeće:

- kopija važećeg rješenja o registraciji organizacije u BiH (za nosioca projekta/aplikanta i eventualne partnere na projektu),
- kopija statuta organizacije (aplikant i partneri) ,
- popunjena forma Administrativni podaci o aplikantu (Word format - Aneks 5),
- popunjena Finansijska identifikaciona forma (Excel format - Aneks 6) ,
- popunjena i potpisana Izjava o podobnosti (Word format - Aneks 7),
- kopija završnog godišnjeg finansijskog izvještaja za 2018. godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe. Ukoliko OCD nema finansijski izvještaj za 2018., dostavit će izvještaj za 2017. godinu, a po odobravanju projekta dužna je dostaviti izvještaj za 2018. godinu,
- kopija godišnjeg narativnog (opisnog) izvještaja organizacije za 2018. godinu,
- popunjena Lista provjere (Word format - Aneks 8).

U slučaju da projekat bude odobren originali dokumenta mogu biti traženi na uvid od strane Komisije. **Sve kopije dokumenata trebaju biti ovjerene.**

**PREDAJA APLIKACIJA:** Ispunjena aplikacija (s kompletnom zahtjevanom dokumentacijom) se treba dostaviti **u dvije (2) štampane i jednoj elektronskoj kopiji (CD ili USB)** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 8 do 16 sati, na sljedeću adresu, sa naznakom za Javni poziv za projekte OCD-a:

**Općina Stari Grad Sarajevo**  
**Šalter sala/protokol**  
**Zelenih beretki 4**  
**71000 Sarajevo**

**Rok za predaju aplikacija je 18. mart, 2019. godine do 14 sati.** Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta treba sadržavati naziv poziva za predaju prijedloga projekata, puno ime i adresu aplikanta, puni naziv projekta i navod “**Ne otvarati prije zvaničnog otvaranja**”.

**Napomena:** Naljepnica za kovertu (prednju stranu), u kojoj se dostavlja aplikacija, nalazi se u prilogu aplikacionog seta dokumentacije.

O primljenoj pošiljci u Općini će se voditi uredna evidencija i izdavati potvrde o prijemu. Komisija za ocjenjivanje i odabir projekata će nakon provjere da li projekti zadovoljavaju administrativno-tehničke uslove Odluke iz članova 5. i 6. ocijeniti projekte na način propisan članovima 9. i 10. Odluke o načinu odabira projekata nevladinih/neprofitnih organizacija po LOD metodologiji. Svi aplikanti koji su predali prijedloge projekata, koji su prihvaćeni ili odbijeni, biti će obaviješteni u pisanoj formi o odluci u vezi s njihovim prijedlogom projekta u roku od 30 dana od dana zatvaranja javnog poziva.

Rezultati će biti objavljeni na web stranici Općine Stari Grad Sarajevo [www.starigrad.ba](http://www.starigrad.ba)

Sarajevo, 20. februar, 2019. godine

**Broj: 09-14-1296/19**

**OPĆINSKI NAČELNIK**  
**mr. Ibrahim Hadžibajrić s.r.**